

Et dolor, et gemitus, sollicitusq̄. timor.  
 Quandoquidem in domiti passim violentia Martis  
 Imminet, et tutas non sinit esse vias.  
 Unde etiam mecum modò civica et aulica turba  
 Talia certatim vota precesq̄. ferunt:  
 Sit tibi, summe DEUS, auræ suavissimus ille  
 PRINCEPS, Romani delictum Imperij!  
 Cœtibus Angelicis ipsum committe, viarum  
 Obiectas valeant qui reserare moras!  
 Atq̄. acidus saltem sive hauserit ille liquores,  
 Da, novus existat corporis inde vigor!  
 Seu sortè alterius cupidus perrexerit illûc,  
 Quà modò conventûs. Induperator agit;<sup>2</sup>  
 Fac, ut et ipsius dulcem præsentia Pacem  
 Promoveat, Pacem quam modò quisq̄. vocat! [353v]  
 Deniq̄., pro votô rebus feliciter actis,  
 Hûc ubi lassatis ille redibit equis,  
 Fac, thalami Consors, quæ pulchrè plena videtur,  
 Et, penè exactô tempore, ponet onus,  
 Sic reducem excipiat: Salve, Illustrissime Conjux,  
 Salve, pars animæ dimidiata meæ,  
 En Tibi filiolum felici sidere natum,  
 En iterum nostri pignus amoris habe.  
 Dent Superi, longos vitam is producat in annos,  
 Matri mille creans gaudia, mille Patri!

Humilimô ac devotissimo affectu f.  
 Berneburgi d. 9. Augusti, Ao. 1640.

Joach. Mechovius D.

## II

### Lateinisches Neujahrs Gedicht des Joachim Mechovius für den Unveränderlichen, Fürst Christian II. von Anhalt-Bernburg

Q LHA Sa.-Anh./ Dessau: Abt. Bernburg A 10 Nr 26b, Bl. 11r–12v [A: 12v], 12r leer; eigenh.

A Illustriss.° Celsissimoq̄. Principi ac Domino, Dn. Christiano, Principi Anhaltino, Comiti Ascaniæ, Domino Berenburgi ac Servestæ etc. Domino suo Clementissimo.

Illustriss.° Celsissimoq̄. Principi  
 ac Domino, Dn. CHRISTI-  
 ANO, Principi Anhaltino,  
 Comiti Ascaniæ, Domino